

Radunonza communal da dils 13 da december 2019

Total persunas cun dretg da votar: 439 persunas
Presentas: 57 persunas = 13 %

A caschun dalla radunonza communal ei vegniu tratg las suandontas decisziuns:

Tractanda 3

Presentaziun ed approbaziun preventiv 2020

Il preventiv 2020 preveda las suandontas expensas ed entradas:

Quen da gudogn e sperdita

Total expensas	fr.	6'753'800.—
Total entradas	fr.	6'838'500.—
Surpli entradas	fr.	84'700.—

Quen d'investiziun

Total expensas	fr.	1'025'000.—
Total entradas	fr.	320'000.—
Surpli expensas	fr.	705'000.—

Il preventiv pigl onn 2020 vegn approbaus unanim.

Tractanda 4

Fixar il pei da taglia 2020

a) Taglia sin gudogn e facultad

b) Taglia sin schischom

Unanim vegn la proposta dalla suprastonza communal approbada.

Il pei da taglia pigl onn 2020 resta cun quei sco tochen da cheu.

Il pei da taglia per la taglia sin gudogn e facultad munta 75 % dalla taglia cantunala e quel per la taglia sin schischom 1.25 % dalla valeta fiscala.

Tractanda 5

Damonda da credit per planisaziun aventura Chinginas

Il credit brutto da fr. 150'000.— vegn approbaus unanim.

Tractanda 6

Damonda da credit per sanaziun piazza da giug e sport

Il credit da fr. 300'000.— per la sanaziun dalla piazza da giug e sport vegn approbaus unanim.

Tractanda 7

Damonda da credit per investiziuns alp

Il credit da fr. 50'000.— vegn approbaus unanim.

Tractanda 8

Zona da baghegiar per indigens Er Liung: Damonda da dar giu ina parcella en dretg da baghegiar

Unanim vegn la parcella nr. 1650 ella zona da baghegiar per indigens dada giu en dretg da baghegiar.

Allas 21.10 uras siara il president communal la radunonza.